



ილიას სახელმწიფო უნივერსიტეტი



საქართველოს პარლამენტის
ჯივნიანი ბიბლიოთეკა

იოანე ქონქოზისძე

გალობანი ქრისტეს
ნათლისღებისანი
და ჰაბო ისმაიტელ-
ყოფილისა
ქართველისანი

იოანე ქონქოზისძე
გალობანი ქრისტეს ნათლისღებისანი და ჰაბო
ისმაიტელ-ყოფილისა ქართველისანი

გალობანი ქრისტეს ნათლისღებისანი და ჰაბო ისმაიტელ-ყოფილისა ქართველისანი

1. რომელმან იორდანეს ნათლისღებითა განმანათლე, აწცა სული სიბრძნისად განმიახლე ჯეროვნად შემამკობელად გამოცხნისა კრებასა და მოწამისა ღირსებით პატივცემასა!
2. მკსნელო, ნათლისღებითა შენითა წმიდითა გუესწავა შეერთებად წყალთაგან სულისად, რომლითაცა აღვსებულმან დღეს, ყოვლად ქებულმან [ჰ]აბო, სიკუდილისა სასუმელი შენ თანა შესუა!
3. შეგინებულისა მის სარწმუნოვებისა მოძღუართა სამშჯავროდ მიგცეს ღირსო, ვითარცა პავლე ჰრომედ ჰურიათა მათ და უშჯულომან მძლავრმან განაჩინა შენთვის სიკუდილი საწადელი!
4. რომელი ნისლსა შინა ეჩუენა მოსეს უცნაურად, ღმერთი მაღალი, გამოჩნდა იორდანეს და საცნაურ იქმნა ჳმითა ოხრითა მამისადთა, რომლითა ვიცანთ მხოლოდ ძე ღმრთისად თანასწორი მამისად!
5. შეუძლებელ იყო შეუხებელისა, უნივთოდსა მის შანთისა, ღმრთეებისა შეხებად, ამისთვის განჯორციელდა ძე ღმრთისად, მხოლოდშობილი, განბანად უცოდველი, რომლისა შეიწირა დღეს ჰაბო!
6. შეერთებულ იქმენ სულითა ნეტარო, შვილთა თანა აღთქუმისათა და ჰრბიოდე განსა მას ზეცისა ჩინებისასა, რომლისათვისცა გვრგვნი ძღვევისად მოგანიჭა მაღლით მაცხოვარმან, მკნეო ჰაბო!
7. თავისუფალ იყვნეს ცოდვისაგან ჳორცნი შენნი, შეერთებულნი ღმრთეებასა სიწმიდით, არამედ ნათლისღებითა განაგე კაცთად წყალთაგან განძარცუვად ცოდვისად, მკსნელო!
8. ჳმითა მამისადთა და სულისა მოსლვითა და იორდანისა კუალად ქცევითა გქადაგა წინამორბედმან ძედ ღმრთისა, რომლისა მოიწრაფა დღეს სიკუდილითა ნეტარმან ჰაბო.
9. ვითარცა მსგავსი მამათ-მთავრისად ქალდეველთა ქუეყანისაგან

გამოსლვითა, და მოწამჴ ქრისტეს ვნებათაჲ, ღირსებით იდიდები მორწმუნეთაგან შესხმითა, ყოვლად ქებულო!

10. რომელნი ქრისტჴს თანა დავეფლენით, ნათლისღებითა ვემსგავსენით მას, განზრახვათაგან განხრწნადთა განვეშორნეთ და ესრეთ დავიცვეთ ბეჭედი ნათლისაჲ, დამკსნელი სიკუდილისაჲ.

11. რომელმან შინაგანნი სახედველნი საღმრთოჲთა ხილვითა წმიდა ჰყვენი, წინამორბედო, შენგან ნათელს-ღებულსა დღეს მოსწრაფედ შეუდგა ჰაბო და მისთვის სიკუდილი დაითმინა.

12. ტრფიალ იქმენ შჯულსა მას სულიერსა, რომელმან განგათავისუფლა შენ საშჯელისა მისგან სიკუდილისა, და ქრისტეს ნათლისღებისა მსგავსებითა, ჭემმარიტად შვილ ექმენ აბრაჴამს!

13. სრბაჲ ბუნებისა შჯულთაჲ დასცხრა, რაჴამს შეუწერელმან ღმერთმან ნათლისღებითა მდინარეთა მიანიჴა დაფარულთა მწინკულევანებათა განზანაჲ კაცთაჲ, და კუალად ნეტარებაჲ მოგუეცა ემბაზისაგან წმიდისა.

14. ჳმაჲ სიტყჴსა საღმრთოჲსაჲ, სინანულისა მჴადაგებელი, ახარებს ღმერთსა განკაცებულსა აღსრულებად ჳსნისა ჩუენისა საიდუმლოსა, რომლისათჴს მოწამე ჰაბო მეორედ შობასა მოიგებს სისხლითა თჴსითა!

15. გონებაჲ შენი ღირსო, ღმრთისა კეთილთა მცნობელ ჰყავ, და სიტყუაჲ შენი ქრისტჴს ქადაგ ჰყავ, და სულისა განწმედითა შეამკუე ხატებაჲ ღმრთისაჲ, რომლისათჴს იხარებ განშუენებული გზგზნითა დაუჴნობელითა!

16. ძემან ღმრთისამან ბუნებით ძმაღ გჴწოდა ჩუენ მადლით, რაჴამს-იგი ბუნებაჲ ჩუენი მიიღო, და განწმედისა ჩუენისათჴს განწმედაჲ თავს იღვა უცოდველმან წინამორბედისაგან

17. ჭემმარიტად სოფლისა ჳსნისა დასაზამ არს დღესასწაული ესე: მამისა ჳმაჲ და სულისა მოსლვაჲ განკაცებულსა მას ღმრთად გუაუწყებს, რომლისათჴს [ჳ]აბო სიკუდილსა თავს იღებს.

18. რომელი იქმენ პირმშო მკუდართა და გზაჲ სიკუდილისაჲ, წყარო

ცხოვრების ჰყავ მორწმუნეთათვის, დღეს შენთვის მიიღო სასუმელი იგი განმაცხოველებელი მახვლითა მოწამემან ჰაბო.

19. ემზახსა მას გამოცხვისასა დღეს მდინარესა განმაცხოველებელსა იორდანესა უსხეულ[ო]თა განწყობილება გარემოადგს, რომელნი ნათელდებულსა შეასხმენ, საუკუნეთა მფლობელო უფალო, კურთხეულ ხარ შენ!

20. ნათლისღებად წყლითა და სულითა შენ თანა აღასრულა მოწამემან და სასუმელიცა ვნებათა შენთად შესუა და გალობით დაღად-ყო, აღმალლებულო ღმერთო მამათა ჩუენთაო, უფროდსად კურთხეულ ხარ შენ!

21. გონებითა მიიცივალე შენ უზეშთაესსა ცხოვრებასა წმიდათა შეერთებასა და ბოროტთა შეძინებად სიცოფედ შეჰრაცხე და სთქუ აღმალ[ლებულო ღმერთო მამათა ჩუენთაო, უფროდსად კურთხეულ ხარ შენ!]

22. საჯუმილისა იგი შემწუველობად ღმრთისა სიტყუამან შემაცურეველ ყო ყრმათათვის, ხოლო დღეს ნათლისღებითა წყალთა ბუნებასა მისცა ცოდვათა შემწუველობად ნათელმდებელთა, რომელნი ჯმობენ: აღმალ[ლებულო ღმერთო მამათა ჩუენთაო, უფროდსად კურთხეულ ხარ შენ!]

23. ეჰა სახიერებად შემოქმედისად, რამეთუ დაბადებულთათვის უსწრო და გზად, ცხოვრებად მიმყვანებელი, პირველად აღასრულა, რადთა რომელნი ნათლისღებითა განახლდენ, ცხოვრებასა ზიარ იყვნენ, ამისთვის მჭურვალედ მოიწრაფა მისთვის სიკუდიდ მოწამემან ჰაბო!

24. გუამი შენი, შრომითა განწმედილი, საღმრთოდსა ცეცხლისა შეერთებითა, ღირსო, მარადის ეგზებოდა, არამედ მოშურნეთა მათ ცეცხლითა დაწუეს, რომელსა პატივ ვსცემთ მეტყუელნი, უფალსა უგა[ლობდეთ ძლევისა გალობასა, რამეთუ დიდებით დიდებულ არს].

25. აღმოცენებით აღმოჰყედ ძირთაგან იესესთა სიწმიდით, ხოლო დღეს იორდანეს ძლევიტ შეჰმუსრე თავი ვეშაპისად და აღმოჰყედ მიერ,

ვითარცა ლომი წერილისაებრ, რომელსა გაქუს

მთავრობად ნათესავთად რომელთა ემსგავსე განკაცებითა!

26. ქრისტწს აღთქუმულთა საშუებელთა სიკუდილი სიხარულით შეიწყნარე და მიხუედ მის თანა სუფევად, ვითარცა ზიარი ვნებათა მისთად, მოწამეო! ჭემმარიტად გუაუწყებს ღირსებასა შენსა ნათელი იგი ზეცისად, პატივად შენდა მოსრული!

27. აღვიარებ უფალო, უძლურებასა ჩემსა, რამეთუ უღირს ვარ შეწყნარებად შენდა, ღმრთისა სიბრძნეო, არამედ სიტყვთა განდევნე წყლულებად გულისად და მაქებელად მიჩინე დღეს საუფლოსა კრებასა და მოწამისა [ჰ]აბოღს დღესასწაულსა!

28. სურვილითა შენითა აღძრულ არს გონებად ჩუენი მოწამეო, ამისთვის შეიწირე კნინი ესე ძლუენი, რომელი მსგავსად ძალისა ჩუენისა მოგვრთუამს: მოგვტევე კადნიერებად და გვთხოვე დღეს ქრისტწსგან გამოვსნად, რომელნი გალობით ღირსად გადიდებთ!